



Kupu whakamārama

He kaupapa mahi kai tēnei mā ngā tamariki, he kaupapa whāngai tangata hoki. Ka ako te tamaiti i te mahi mara, i te horoi ringaringa, i ētahi rerenga reo Māori hoki mō te kai.

Me kimi e ngā tamariki tētahi wāhi pai mō te whakatō kākano, nā te mea, he mahi paru tēnei.



Ko ngā taputapu:

- He ipu; hei tauira: ngā ipu miraka tepe, ipu huamata, ipu aihikirīmi e 2 rita, ipu hua manu.
- He paemīti kirihou
- He momo kākano huawhenua.
- He ipu rehurehu wai
- He kutikuti

- He pene
- He komoringa (arā he karapu māra hei tiaki i a koutou e mahi ana i te oneone whakatō kākano)
- He oneone whakatō kākano, rānei he oneone mai i te māra o te kāinga rānei.
- Ko te kāmera me ngā rama pai

Ko ngā kai:



He kākano mai i te toa, he pākete:

- kāpeti kākāriki
- Kareparāoa
- kōkihi
- korare



Ko ngā kākano mai i ngā kai o te kāinga

- Tomato
- Huarākau rēmana, ārani, āporo
- Paukena, tangohia ngā kākano, ā, whakamaroketia.





Ko ngā kupu hou

Ipu huamata kirihou	Plastic salad container	Ipu hua manu	egg container
Ipu mīraka tepe	yoghurt container	Kāpeti kākāriki	green cabbage
Kareparāoa	cauliflower	Kōkihi	spinach
Komoringa / Karapu	gloves	Kōpaki kākano huawhenua	seed packets
Korare	silverbeet	Oneone whakatō kākano	Seed growing mix
Oneone mai i te māra kai	Soil from a garden (if possible sift the soil to take out stones, and big clumps of soil.)	Paemīti kirihou	plastic meat tray



Ko ngā mahi mā te whānau:

Hei Mahi 1

- Mātakitakitia anōtia te ataata.
- Whāia ngā tohutohu ki te whakatō i ngā kākano ki roto i ngā ipu.
- Tuhia te rā i whakatō ai koe i ngā kākano, me te momo kākano kei tēnā, kei tēnā o ngā ipu.
- Tiakina ngā kākano, ia ata, ia pō, kei maroke te oneone. Engari, kaua e riringi noa i te wai kei tōremi ngā kākano, me āta rehurehu kē te wai kia mākūkū noa te oneone.

Hei Mahi 2

Tamariki mā, tuhia ētahi kōrero mō ngā mahi māra hei hokinga mahara mō ngā tau kei te heke mai. Tāngia te wātaka Mahi Māra ki runga pepa, whakaurua ngā kōrero ki te rorohiko rānei.

Anei tētahi tauira:

Te Mahi Māra			
Te rā whakatō	Te momo tipu	He kōrero e pā ana ki te tipu	Te rā i kohikohia te kai
1/2/21	Kāroti	Nā te iti, ongi kākano he mahi ngi tipu	27/6/21
14/10/21	Kāpeti	He mataha ngā anuhe i tēnei wā o te tau	
1/11/21	Paukura	He mataha te tipu o ngā aha, he mahi ngā pūpūki	